

INUIT ATAQATIGIIT INATSISARTUNI



UKA2021/138

5. oktober 2021

Agathe Fontain

Uunga siunnersuutit: Peqqinnissaqarfiup iluani napparsimasut maalaaruteqarsinnaanerata taarsiiffigineqarsinnaanerallu pillugit Inatsisartut Inatsisaat.

(Peqqissutsimut Naalakkersuisoq)

Peqqinnisarsiup iluani maalaaruteqarsinnaanerup taarsiivigineqarsinnaanerlu pillugit inatsisitigut nutarterinissaq pisariaqarluinnartoq, saqqummiunneqarmat pisariaqavimallu Inuit Ataqatigiit qujassutigaarput.

Inuit kikkulluuniit, pineqarnermikkut eqqunngitsumik nalaataqarsimasut, maalaarsinnaanissamik pinsinnaatitaaffeqartuassasut, Inuit Ataqatigiiniit pingaartitaraarput.

Peqqinnissarfimmiit innuttaasuniilu paaseqartigiittarnissaq pingaaruteqarluinnartuuvoq. Imminnut sumik naatsorsuuteqarnissaq ilisimaneqartariaqarmat.

Inuk nakorsiartarmat, peqqinngikkaangami, nakorsiartarmat ippigisaqarluni, nakorsamut paasiniaqqullugu suna nappaatigisinnaanerlugu.

Nakorsiap naatsorsuuteqartarnera tupinnanngitsumik qaffasittarpoq. Nakorsallu pisariaqartittarpaa, inuup nakorsiartup paasisutissiinissaa aamma qaffasittoq. Paasisutissat nakorsamut tunniunneqartut amerlaneratigut, nakorsap nappaatip suuneranik paasisaqarnissaanik pitsaanerpaavoq. Tassa imaappoq nakorsa , nakorsiarlu imminnut oqaloqatigiilluarnissaat pisariaqarpoq.

INUIT ATAQATIGIIT INATSISARTUNI



Iisimavarpulli oqaloqatigiilluarneq pisaraluartoq, nakorsiaqarmat pimoorullugu nakorsiarnerni misissorluarneqanngitsutut misigisunik.

Inuppassuaqarpoq eqqunngitsumik pineqarsimasutut misigisaqartartunik. Taakkupput inatsimmi uani periarfissinniarneqartut. Inuit Ataqatigiiniit eqqunngitsunik pineqarsimasut maalaarsinnannissaannik pitsaasumik Inatsiseqarnissaq pingaartipparput. Ataatsimiititaliamilu suliarinissaa qilanaaraarput.

Maalaarsinnaaneriit Nakorsamiit pineqarsimanermit, aamma sulisuniit kusananngitsumik pissusilersorfigineqarnermit maalaarsinnaanermit periarfissaqartaroqarpoq.

Kukkusumik passunneqarsimanermit taarsiiffigineqarsinnaatitaanerup sukkanerusumik aalingiiffigineqarsinnaanerat Inatsimmi periarfissaassasoq , pisariaqavippoq. Inuit taarsiivigineqartussat sukkasuumik aaliangiiffineqartarnissaat pisariaqarluinnarpoq.

Inatsisissatut siunnersuutip siunertarimmagu:

Maalaaruteqarnissamut taarsiiffigitinnissamullu aaqqissuussinermik katitikkamik nutaamik aalajangersaanikkut peqqinnissaqarfimmi napparsimasut pitsaanerusumik sunniuteqarluarnerusumillu maalaaruteqarnissamut taarsiiffigitinnissamullu periarfissaqarnissaasa qulakkeernissaannik kissaateqarneq .

Taammaatumik Inatsisissatut sunnersuut Ilaqutariinnermit Peqqissutsimullu Ataatsimiittitaliamut suliarilluaqqullugu inersuupparput.